



TUNG LAM PAN HUHNA

A Gelh Watson Goodman

Man Nei Lo — Zuak Loh Ding

Tung Lam Pan Huhna

“TUNG LAM PAN HUHNA” pen Lai Siangtho sung mun tuamtuam a kituakpih thute kila khia ahi hi. Pasion thu hilhcianna in Lai Siangtho Bu hi cih ka um hi.

Pasion’ Thu in “tung lam pan” hong pai hi a; dikna deih a lungsim gilkiel leh dangtakte adingin huhpa tak-tak ahi hi. Mi khat in kikhelin, mawhna bawl loin, a lungsim sungah Topa teng dingin a deih Li. A lungsim khempeuh tawh Topa Jesu Khris Honpa-a a saan leh, ama kiangah Topa kilang ding a; Lungdamna leh khamuanna a lungsim sungah pia ding hi. 1937 kumin hih thu ke’n ka ngah zo hi; tua a kipan Topa tawh kipawlina ka susia nai kei hi. Nang zong na neih nai kei leh, tu-in Topa leh Honpa na saan ding kong thum hi.

—Watson Goodman (1920-2002)

Pasian' Itna

1

Johan 3:16

“Pasian in a Tapa khat bek a piak dongin leitung mite a it hi. Tua Tapa a um mi khempuhte in kisia lo-a nuntak tawntungna a ngah nading ahi hi.”

Johan 13:1

Paisan pawikham ma-in Jesu in leitung pan Pa kiangah a ciah ding hun tung cih a theih ciangin, leitungah a om ama mite it ahih ciangin a tawp dongin a it hi.

Mangmuhna 1:4b, 5

Tu lai tak a om, a om ngei, tu nung ciangin a hong pai lai ding pa kiang pan a hi zongin, ama tokhom mai-ah a om Kha Siangtho sagihte kiang pan a hi

zongin, thuman teci pang a hi tham loin mi site lakah a suak masa bel hi a, leitung kumpite a ukpa a hi Jesu Khris kiang pan a hi zongin, hehpihna thupha leh nopsakna note tungah om ta hen. Eite hong it a, a si tawh eite mawhna pan hong phelkhia a.

Eite in mawh nei i hih lai takin Khris in eite tangding si ahih ciangin Pasian in eite hong itna hong kilangsak hi. —Rom 5:8

Jeremiah 31:3

“Gamlapi pek panin TOPA ka kilang hi. Keimah in nang tawntung itna tawh kong it a, tua ahih manin nang' tungah kong thuman tawntung hi.”

Timoti Masa 3:16

Pasion biakna thu thukpi in bang zah lian hiam cih nialna ding a om kei hi: 'Amah in pumpi-ah a kilang hi, A thumanna Kha Siangtho tawh a kilang hi, Vantungmite in a mu uh hi, Mi khempeuh lakah a thu kihilh hi, Leitung khempeuhah a thu ki-um hi, Vangliatna tawh vantungah kilaktohna a ngah hi.'

Tua thu khempeuh in Topa in a kamsangte tunga a genkholh bangin a tun'na ding a hi hi. Tua thu genna in: "En un, nungak khat gai ding a, Tapa a nei ding hi. Tua a tapa a min Emmanuel kici ding hi." —Mattiu 1:22, 23

Johan 14:9, 10a

Jesu in, "Filip aw, kei in note tawh hih tanvei ka om khawm hangin hong thei lo na hi hiam? Kei hong mu mi in Pa zong a mu zo hi. 'Pa hong lak in,' bang hangin na ci hiam? Pa sungah ka om a, kei sungah Pa a om cih um lo na hi hiam?"

A kipatcilin Thu a om hi. Thu in Pasion tawh a om khawm hi. Thu in Pasion ahi hi. . . .Thu in mi bangin hong suak a, hehpihna leh thuman thutak tawh kidimin eite lakah a om hi. Pa in a Ta khat bek a piaksa minthan'na bangin ama minthan'na ka mu uh hi. —Johan 1:1, 14

Johan Masa 4:15

Jesu in Pasion' Tapa a hi ci-a mang mi khempueh in Pasion sungah a om a, Pasion zong tua mi sungah a om hi.

Kolose 2:9

Bang hang hiam na cih uh leh, Pasion' lim tawh a dim khempueh in Khris' pum sungah kilangin a om hi.

Bang hang hiam cih leh eite adingin naungek khat hong suak a, eite tungah tapa khat hong kipia hi; ama liangko tungah ukna om ding a, ama min pen, "Lamdang, Thulakpa, Vanglian Pasion, Tawntung Pa, Nopsakna Kum-pi," kici ding hi. —Isaiah 9:6

Luka 1:35

Vantungmi in zong, "Kha Siangtho in nangma tungah hong tung a, Sang Bel Pasion' vangliatna in nang hong liah ding hi. Tua ahiah ciangin, tua siangtho a piang ta in, Pasion' Tapa a kici ding hi."

Mattiu 17:5

A dot lai takin meii ngo khat in amau tuam a, "Hihpa in, ka lung hong damsak ka it ka Tapa ahi hi. Ama thu na ngai ta un," ci-in meii lakah aw khat a ging hi.

Mattiu 3:17

"Hih pa in ka lung hong damsak ka it ka Tapa a hi hi," ci-in vantung panin aw khat a ging hi.

4 Jesu In Amah Kua Hiam Cih Hong Hilh

Johan 8:23

Jesu in, "Note in nuai lam mi na hi uh hi. Kei in tung lam mi ka hi hi. Note in hih leitung pan a piang na hi uh hi. Kei in hih leitung pan a piang ka hi kei hi."

Johan 11:25

Jesu in, "Keimah in thawhkik-na leh nuntakna ka hi hi. Kei hong umte in a sih hangin a nungtakik ding hi."

Johan 6:35

Jesu in, "Keimah in nuntakna khomun ka hi hi. Kei kiangah hong pai mi in a nung ciangin a gilkiial ngei nawn kei ding hi. Kei hong um mi in anung ciangin a dangtak nawn kei ding hi."

Johan 13:13

"Note in keimah 'Sia' leh 'Topa' nong ci uh hi. Tua thu aman hi, nong cih uh bangin ka hi hi."

Johan 9:5

"Leitungah ka om lai tengin leitung' khuavak ka hi hi," a ci hi.

Johan 8:58

Jesu in, "Ke'n aman takpi kong cihinah, Abraham' pian' ma-in kei ka om hi," a ci hi.

Johan 10:7

Tua ahiah ciangin khatvei Jesu in, "Ke'n aman takpi kong cihinah, keimah in tuukhumna kongpi ka hi hi."

Luka 5:5, 6

Simon in zong, "Topa aw, kote in zankhua-in ka hahkat uh hangin, khat beek ka man kei uh hi. Abih hangin thu nong piak bangin ngen ka paai ding hi," a ci hi. Tua banga a paih khit ciangin, ngasa tam mahmah khuh kha a, ngen a kikeek pah hi.

Mattiu 14:19-21

Tua ciangin, "Mihonte lopa tungah tusak un," a cih khit ciangin Jesu in khomun nga leh ngasa tawn nih la a, vantung lam ento-in hehpihna a phat khit ciangin, khomun leh ngasa balnenin a nungzuite a pia hi. A

nungzuite in zong mihonte a lui uh hi. Mi khempeuhte in a ne uh a, a kham khit uh ciangin, kham-val a neng a themte tawm uh a, seeng sawm leh seeng nih dim a ngah uh hi. An ne mite in numei leh naupang sim loh pasal tul nga bang pha hi.

Mattiu 20:30, 34

Jesu hong pai thu a zak uh ciangin, lam gei-ah a tu mittaw nih in, "David' Tapa Topa aw, kote hong hehpih in," ci-in a kiko uh hi. . . . Jesu in hehpihhuai sa a, amau' mittang a khut tawh a lawn' ciangin, thakhatin amau in khua mu thei uh a, a nung a zui pah uh hi.

6 Jesu Khris In Topa Leh Nate A Bawlpa Hi

Kolose 1:16

Bang hang hiam na cih uh leh, tua Tapa hangin Pasian in vantung a hi zong, leitung ahi zongin-ah a om khempeuh a kimutheite, a kimu thei lote: kumpi tokhomte a hi zongin, uknate a hi zongin, a sang belnate a hi zongin, vangliatna a hi zongin, na khempeuh a piangsak hi. Tua Tapa hangah a hi zongin, tua Tapa ading a hi zongin na khempeuh a piangsak hi.

Hebru 1:2

Pasian... a nunung bel hih niteah ama Tapa tungah eite thu hong pia zo hi. Tua a Tapa na khempeuh luah dingin a koih zo

hi; ama tungah zong leitung a piangsak hi.

Khris in mi site leh mi nung-tate' TOPA a suah nadingin sihna thuak a, a sih khit ciangin a hing kik hi. —Rom 14:9

Johan 1:3

Thu tawh na khempeuh a kipiangsak hi. A kipiangsak khempeuh lakah, Thu lo-in a kipiangsak khat beek a om kei hi.

Sawltakte' Tangthu 2:36

“Tua ahih ciangin note in singlamteh tungah na thah uh Jesu pen Pasian in Topa leh Khris a suaksak hi ci-in Israel mi khempeuh in a man takpi thei ta uh hen,” a ci hi.

Jesu Khris In Mi Khempeuh Ading Thukhenpa Hi 7

Sawltakte' Tangthu 10:42

"Amah in 'Mi khempeuh kiangah thuhilh un la, mi nungta leh mi site thu khen dinginah Pasion' koihsa mi in tua mi a hi hi ci-in teci na pang un,' ci-in kote thu hong pia hi."

Timoti Nihna 4:1

Pasion maiah a hi zongin, a nungta mi leh mi si tungah thu a khen ding Khris Jesu maiah a hi zongin, Jesu hong kilat nading leh a Gam suangin thu ka hong piakna in.

Nang in bang hangin na u na nau dongtelin na khen hiam? Na u na nau bang hangin na sim-

mawh hiam? Eite khempeuh in Pasion' thukhenna tokhom maiah i ding ding hi. —Rom 14:10

Mattiu 25:32

"A maiah mi namkim kikhawmsakin gan cingpa in tuu leh keelte a tuam khen mah bangin, mi khempeuh a tuam tuakin hong khensak ding hi.

"Mi khempeuh in Pa a zahtak bangin Tapa zong a zahtak nadingin, Pa in kuamah thu a khen kei hi." —Johan 5:22

Ka thuhilh Lungdamna Thu bangin Pasionin Jesu Khris tawh mite' seelsim lungngaihna a khen Ni ciangin tua bangin a khen ding hi. —Rom 2:16

8 Khris Sung Bekah Hotkhiatna Om

“Keimah in kongpi ka hi hi. Mi khat in keimahah a lut leh, gal tawh kipelh ding a, sungtum pu-suakin an nek ding gamtatna a mu ding hi.” —Johan 10:9

Luka 19:10

“Bang hang hiam na cih uh leh, Mihing Tapa in a mangthang mite zong ding leh gum dingin hong pai ahi hi,” a ci hi.

Sawltakte’ Tangthu 4:12

“Tua mi sim loh mi dang tung-ah gupna thu a om kei hi. Bang hang hiam na cih uh leh, ama min sim loh eite gupna ding, van nuai mite lakah a hong pia ding min dang khat beek a om kei hi,” ci-in a gen hi.

Jesu in, “Keimah in lampi ka hi hi, thuman thutak ka hi hi, nuntakna lah ka hi hi. Kei hong suang lo-in kuamah in Pa kiang a tung zo kei ding hi.” —Johan 14:6

Hebru 7:25

Tua ahih ciangin Jesu hangin Pasion kiangah a naite taang a thuum dingin Topa in a nungta tawntung a hih ciangin, a tawntungin hong gum thei hi.

“Tua ahih ciangin, nomau mawhna sungah na si ding uh hi kong ci hi. Bang hang hiam na cih uh leh, keimah in tua pa ka hih lam na up kei uh leh, nomau mawhna sungah na si ding uh hi,” a ci hi. —Johan 8:24

Khuavakna sungah a om uh mi siangthote luahna, eite in zomin i luah theih nadingin hong bawlin, khuamialna' vang pan eite hong hot khiat khit ciangin, a it a Tapa' Gam sungah hong tumsakpa Pasion hehpihna ka phat uh hi. Tua hangah i mawhnate maisakna a hi hong tatna thupha i ngah hi.

—Kolose 1:12-14

Tua bangin a kicin'na a tun' khit ciangin a thumangte khempuhte ading gup tawntungna a bawl mi suak a.

—Hebru 5:9

Korin Masa 1:30

Tua Pasion hangah note in Jesu Khris sungah na om uh hi. Tua Jesu Khris in eite ading Pasion

kiang pan siamna, siangthona leh tatkhiatna hong piang hi.

Titu 2:14

Tua Topa in mawhna khempuuh sung pan eite hong tankhia dingin a hi zongin, gamtatna a hoite-ah lungsim khauhin ama ukna mi pawlte, ama ading siangthosak dingin a hi zongin eite ading ama pumpi a pia hi.

“Nang in laibu la-in, ciamteh-nate hong dingin na kilawm hi. Bang hang hiam na cih leh, thahna na thuak khit ciangin mi nam khempuuh, kam khempuuh, pawl khempuuh, gam khempuhte sung pan, Pasion ading na si tawh lei-in.” —Mangmuhna 5:9

Pilna khempeuh leh phawk-theih pilna khempeuh tawh ki-tuak, eite tungah hehpihna a kicin'sak bangmahin tua Jesu' si hangin mawh maisakna a hi tat-khiatna thupha ama kiangah eite'n ingah hi. —Efesa 1:7, 8

Amah in khuavak sungah a om mah bangin eite zong khuavak sungah i om leh, khat leh khat ki-hothei-in, a Tapa Jesu' si in eite mawhna khempeuh hong sawp siang hi. —Johan Masa 1:7

Piter Masa 1:18, 19

Na pute na pate' ngeina uh a hi mawhna gamtatna pan kham leh ngun-a kipan a kisia thei sum tawh note hong tankhia a hi kei

hi; hoih lohna om lo, a nin bang lo tuuno tawh kibang a hi Khris' manpha bel si tawh hong tankhia hi ci-in na thei un.

Tua tham loin, mawhna nei loin a tawntung Kha Siangtho tawh amahmah Pasion biakna-ah a kipia Khris in, a nungta Pasion biakna dingin nomau pumpi kisuanna lungsim uhah a om sihna tawh kipawl gamtatnate tawh kipelhin, a siangthosak nadingin a bawl thei zaw ding hi lo a hi hiam? —Hebru 9:14

Bang hang hiam na cih uh leh, hih in mi tampite' mawhna kimaisak nading a kibuasa, kiciamna, ka si ahi hi. —Mattiu 26:28

Bang hang hiam na cih uh leh, note in thu-upna hangah hehpilna tawh gupna na ngah zo uh hi. Note ut thu-a ngah na hi kei uh hi: Pasion' letsong hi hi. Kuamah in a kisaktheih loh nadingin note' gamtat pha hangin gupna na ngah kei uh hi. —Efesa 2:8, 9

Tua ahih ciangin i upna tawh dikkisakna i ngah ahih ciangin eite Topa Jesu Khris hangin Pasion tawh i kilem hi. —Rom 5:1

Johan 20:31

Jesu in Khris hi a, Pasion' Tapa ahih note'n na up theih nading uh leh, ama min umin tua min hangin nuntakna na ngah theih nadingun hih laibu a kigelh zo hi.

Galati 5:6

Bang hang hiam na cih uh leh, Khris Jesu sungah vunatna in phattuamna a om kei hi, vunatlohna in zong phattuamna a om kei hi; itna tawh nasep theihna upna bek in phattuamna a om hi.

Johan Masa 5:4

Bang hang hiam na cih uh leh, Pasion' pian' sak tate khempeuh in leitung a zo thei hi. Eite upna in leitung zawhna a hi hi.

Tua ciangin tuate in, "Pasion na ka sep theih nadingun bangci ka hih ding uh hiam?" ci-in a dong uh hi. Jesu in, "Pasion hong sawlpa upna in Pasion nasepna ahi hi," a ci hi. —Johan 6:28, 29

Late 103:11

Vantung in leitung panin a san' mah angin, amah a zahtakte tungah ama itna kip lianin sang mahmah hi.

Late 103:17, 18

Ahah hangin, TOPA' itna kip pen, amah a zahtak mite tungah a tawntung panin a tawntung dongin kip ngitnget a, ama thumanna pen, ama thuciamna zui-in a thupiakna bangin sep ding a phawk mite' tungah a khang khangin kip tawntung hi.

Mikah 7:18

TOPA aw, nang tawh a kibang Pasian dang om lo a, a om lai na mite' mawhna na maisak hi. Nang

na heh paisuak kei a, na itna kip nong lak hi.

Late 108:4

Bang hang hiam cih leh na itna kip in vantung ban a, na thumanna in meiiipite ban to hi.

Kah La 3:22, 23

A bei thei lo TOPA hong itna leh hehpihna in a kizom paisuak hi a, zingsang nisuak bangin thak tawntunga, ni a hong suah pelmawh mah bang a hi hi.

Eite gamtatna a pha hang hi loin ama hehpihna bangin nih vei suahna tawh kipawl sawp siangna tawh a hi zongin, Kha Siangtho hong bawlpha thak tawh hong gum hi. —Titu 3:5

Mattiu 11:28

“Van gik pua a, a gim mi khem-peuhte aw, ka kiangah hong pai ta un. Tawldamna ka hong pia ding hi.”

Mangmuhna 22:17

Kha Siangtho leh a kipi Mo in, “Hong pai in,” ci-in a gen uh hi. A za mi in zong, “Hong pai in,” ci ta hen. A dangtak mi hong pai ta hen. A dawn nuam mi in nun-takna tui man pia loin dawn ta hen.

Johan 7:37

Pawikham a tawp ni a lian pen ni-in Jesu ding a, “Mi khat peuh

in tui a duh leh, ka kiangah hong pai-in dawn ta hen.”

Isaiah 55:1

A dangtak mi peuhmah tui phualah hong pai un; an nei lote aw, hong pai-in lei unla ne un! Hong pai un, sum leh a man ding pia loin leenggahzu leh bawng-nawi lei un.

Isaiah 1:18

TOPA in hih bangin ci hi: “Tu-in hong pai un la, thu kikum khawm ni; na mawhnate uh puan-san a bat hangin vuuk bangin hong ngo ding hi; na mawhnate uh si bangin a san hangin tuumul bangin hong kang ding hi.”

Johan Masa 3:10

Tua bangun Pasion' tate leh Dawimangpa' tate a kikhen uh hi. Dikin gamta lo mi a hi zongin, a u a nau a it lo mi a hi zongin Pasion tawh a kipawl lo mi a hi hi.

Rom 8:14, 15

Pasion' Kha Siangtho' thuhilh-na a mang mi khempeuhte in Pasion' tate a hi uh hi. Note in kihtak kikkik nading sila' lungsim na ngah kei uh hi. "Abba, Pa aw," i cih mah bangun ta suahna lungsim na ngah uh hi.

Filippi 2:15

Tua bang na hih uh leh, mawhsakna ding om loin, kuama tungah khialhna om loin, lungkawia

kisia mi pawlte lakah mawhna neu kha beek nei lo Pasion' tate na suak ding uh hi. Nuntakna tawh kipawl thu hilhin, leitungah khuavaknate bangun tua mi pawlte lakah na tang uh hi.

Korin Nihna 6:17, 18

Tua ahih ciangin: "Tua mite lak pan paikhia un la, a tuamin om un. A siangtho lote na lawng kei un. Note Pasion ka hi ding hi, Note zong ka tanu ka taoa na hi ding uh hi," Vanglian Topa in a ci hi.

Johan 1:12

Ahih hangin amah sang a, ama min a umte khempeuhin Pasion' tate suah theih na'ng thu a pia hi.

Si-le-sa' gamtatnate a kilang zo hi. Tua gamtatnate in: numei tawh mawhna, kihhuai gamtatna, lunggulh luat khialhna, milim biakna, mibumna, kitot na'ng bawlna, kitotna, kidemna, hehna, kiseelna, kikhenna, pawl khenna, en'na, zukham luatna, pawlkhamna a kipan tua bang gamtatnate a hi uh hi. Tua banga gamta mite in Pasion' Gam a luah kei ding uh hi ci-in danga kong cih bangmahin tu-in zong ka hong ci khol hi. —Galati 5:19-21

Isaiah 5:11

Zingsang tungin tho-in, kham theih zu delhin, leenggah zu in amaute a satsak pialpual mateng-

in nitakin a tut kho mite in gimna ngah ta hen!

Rom 13:13, 14

Pawikhamna, guih theih zu kham luatna a hi zongin, hukna, lanna kihhuai a hi zongin, kitotna, kidemna a hi zongin tangin, sun lai tak bangmahin kilawmin gamta ni. Topa Jesu Khris silh un la, na pumpi huaiham na'ng uh note in na ngaihsun kei un.

Paunak 23:31, 32

Hai sungah a phuan seuhseuh, gawl sungah a tum suk hit-hit thei, leenggahzu san etin nei kei in. A tawpna-ah gulpi bangin hong tu ding a, gul gu nei bangin hong tu ding hi.

Mattiu 22:37, 38

Jesu in, "Na Topa Pasion na lungsim khempeuh, na kha khempeuh, na pilna khempeuh tawh na it in. Hih thukham in a masa pen leh a lian pen thukham ahi hi."

Marka 10:17-22

Lampiah a pai lai takin mi khat Jesu kiangah va tai a khuk din'in, "Sia pha aw, nuntak tawntungna ka luh nadingin bang ka gamta ding hiam?" ci-in a dong hi. Jesu in, "Bang hangin kei mipha hong ci na hi hiam? Pasion sim loh mipha khat beek a om kei hi. Thukhamte na thei hi. Mi na that kei in. Mi' zi tawh na mawh kei in. Mi' sum na gu kei in. Ahi lo teci

na pang kei in. A kilawm loin mi' sum na laksak kei in. Na nu leh na pa na zahtak in," a ci hi. Tua pa in, "Sia aw tua thu khempeuh ka neu lai a kipan ka tang zo hi," a ci hi. Jesu in tua pa a et ciangin it a, "Na khat na sam lai hi. Pai in la, na neihsa teng zuakin mizawngte na pia in. Tua ahieh leh, vantung gam sungah sum na nei ding hi. Tua khit ciangin ka nung hong zui in," a ci hi. Tua pa in tua thu hangin a mai khing a, lungkim loin a paikhia hi. Bang hang hiam i cih leh, sum tampi a nei hi.

Hoieh hi, ci-a i ngaihsut khak thu khat pen, sih theihna ding thu na hi thei zawsop hi. —Paunak 16:25

Efesa 5:6

A mawkna kam tawh note kua-mah kikheemsak kei un. Bang hang hiam na cih uh leh, tuate hangin Pasion' hehna in a nial thei mite tungah a tung hi.

Korin Masa 6:9, 10

Mi diklote in Pasion' Gam a luah theih loh ding thu thei lo na hi uh hiam? Na kikheem kei un: Numei tawh a mawhte, milim a biate, mi' zi tawh a mawhte, pasal leh pasal a khialte, tua bang a thuakte; sum gutate, huaiham duhhopte, zukham theite, hang-san kosiante, zawhthawh bawla sum sutte in Pasion' Gam a luah kei ding uh hi.

Jeim 1:22

Note pumpi uh kikheemin thu-ngaite bek hi kei un; thu bang a gamtate na hi un.

Johan Masa 3:7, 8

Ka ta neute aw, lam hong khial-sak dingin kuamah hong kizolsak kei un. A diktat mi in Topa a dik mah bangin a dik hi. Mawhna a bawl mi in Dawimangpa tawh a kipawl hi. Bang hang hiam na cih uh leh, a cil panin Dawimangpa in mawhna a bawl zo hi.

Bang hang hiam na cih uh leh, mi khat in bangmah a hi lo napi-in na khat peuhpeuh ka hi ci-in a ki-up leh, tua mi in ama pumpi a kheem hi.
—Galati 6:3

Rom 5:12

Tua a hih ciangin mi khat hangin khialhna in leitungah tung a, mawhna hangin sihna a piang mah bangin, mi khempeuhte in zong a mawh zo uh a hih ciangin, mi khempeuh tungah sihna hong tung hi.

Tua nung ciangin lunggulhna in gai-in mawhna a suak hi; mawhna in zong a kicin' ciangin sihna a suak hi. —Jeim 1:15

Rom 8:6

Bang hang hiam na cih uh leh, ci leh sa lungsim in sihna tawh kituak hi. Kha Siangtho lungsim in nuntakna leh nopna tawh kituak hi.

A si dingpa pen a mawh mipa ahi hi. Ta in pa' mawhna thuak lo ding a, tua mah bangin pa in ta mawhna thuak lo ding hi. Mi hoihpa in a hoihna thaman ngah ding a, mi gilopa in a gitlohna thaman thuak ding hi. —Ezekiel 18:20

Luka 15:32

“ ‘Ahih hangin, na nau ahih leh tuma-in a si hi, tu-in a nungta kik hi. Tuma-in a mang hi, tu-in a kimu kik ahih maninah nopna leh lungdamna bawl tuak hi,’ ci-in a gen hi,” ci-in a hilh hi.

Paunak 11:19

Thu man-a gamtat ding a hanciamte nungta ding a, a sia-a gamta teiteite si ding hi.

Lang' a khutin lawng a, a puate a khawlsak hi. Jesu in, "Tangval-pa aw, tho in ci-in nangma kiang-ah kong ci hi," a cih leh, misipa tho a, thu a gen hi. Luka 7:14, 15

Johan 11:43, 44

Tua bang a cih khit ciangin, "Lazaras aw, hong paikhia in," ci-in nakpi-in a kiko hi. A sipa in a khut a khe han puan tawh kitun a, a maitang dial tawh kitunin a paikhia hi. Jesu in, "Amah phel un la, na khabkhia un," a ci hi.

"Tua ahieh ciangin keimah in ka nuntakna ka lak kik dingin paai ka hih ciangin, ka Pa in kei hong it hi. Ka nuntakna kuama'n hong sut kei hi, keima ut thu-in ka

paai hi. Ka nuntakna paaikhia-a lakkik theih nading thu ka nei hi. Tua thu ka Pa in hong pia hi," ci-in a gen hi. —Johan 10:17, 18

Mangmuhna 1:18

Ni dang lai-in ka sih ngei hangin tu-in en in, a tawntungin ka nung-ta a, sihna leh sihna gam kong-hon'na ka nei hi.

Korin Masa 15:3, 4

Ka ngah bangin note kiangah ka hong gen masak thu in: Lai Siangtho sungah a kigelh mah bangin Khris in eite mawhna tangding sihna a thuak hi. A kivui khith ciangin Lai Siangtho sungah a kigelh mah bangin, ni thum ni-in a tho kik hi.

Thu-hilhkikna 5:7-21

“ ‘Keimah longal pasian dang na nei kei ding hi. A kiseek milim hita leh, tunga vantunga om hita leh, nuai-a lei tunga om hita leh, lei nuai-a om tui sungah hita leh a om na khat peuhpeuh a sun khat peuhpeuh nang adingin na bawl kei ding hi. . .

“ ‘TOPA na Pasian’ min na zangkhai zat kei ding hi: bang hang hiam cih leh TOPA in ama min a zangkhai zat mi a mawh lo hi, ci lo ding hi.

“ ‘TOPA na Pasian in hong thupiak bangin na siangthosakna dingin sabbath ni tang in. Ni guk sung na semin na nasep ding

khempeuh na hih ding hi. . .

“ ‘TOPA na Pasian in hong piak leitang tungah na khan’ sau-in na nopsak theihna dingin TOPA na Pasian in hong thupiak bangin na nu na pa zahtak in.

“ ‘Mi na that kei ding hi.

“ ‘Nu-le-pa mawhna zong na bawl kei ding hi.

“ ‘Na na gu kei ding hi.

“ ‘Na vengte lang khatah zong a man loin teci na pang kei ding hi. Na vengte’ zi zong na deihgawh kei ding hi; na vengte’inn, a lo, a nasempa, a nasem nu, a bawngtal, a la, ahih kei leh na vengte’ na khat peuhpeuh na deih kei ding hi,’ ” ci hi.

Paunak 15:3

TOPA' mit in mun khempeuh mu a, mi sia, mi pha, hong encik kim hi.

Job 34:21, 22

“Pasian in mihingte' gamtatna khempeuh hong encik a, i kal suanna themno dongin hong mu khin hi. Gamtatsia mite a buk theihna dingun a seel zo ding, khuamial khuazing koi mah-ah om lo hi.”

Late 139:8, 12

Vantungah kahto leng tua lai-ah nang na om a, Leinuai mi site gamah lupna bawl ta leng zong tua lai-ah nang na om veve ding

hi...tua nangawn-ah, nangma adingin khuamial pen mial lo a, zan khuamial pen sun nitaang tawh kibang hi; bang hang hiam cih leh nang adingin khuamial pen khuavak mah bang lel hi.

Jeremiah 23:24

“Mi khat peuhpeuh kei' muh loh dingin bu sim thei ding ahi hiam?” TOPA in kong ci hi. “Leitung, vantung mun khempeuh-ah ka om lamtak thei lo na hi uh hiam?” TOPA in kong ci hi.

Luka 8:17

“Bang hang hiam na cih uh leh, kilak lo ding a kibu bangmah om lo hi. A kithei, a kilang lo ding a ki-imecip bangmah om lo hi.”

Mangmuhna 20:15

Nuntakna laibu sungah a min a om lo mi peuhmah tua mei li sungah a khiasuk hi.

Mattiu 13:41, 42

“Mihing Tapa in ama vantung mite sawl ding a, a khialte leh a puksakte khempeuh a Gam sung pan nilkhia-in, meiphual sungah a khul ding uh hi. Kahna leh ha gawina a om ding hi.”

Mattiu 18:8

“Na khut ahi zongin, na khe ahi zongin, hong puksak leh, na khut na khe sat tan in la, paai in. Khut leh khe kim nei-in tawntung mei kuang sungah khulna na thuak sangin, khut bui, khe bui, a poi sa-

in nuntakna sungah na tum leh, nang ading a hoih zaw ding hi.”

Late 9:17

Pasian a mangngilh minam khempeuh ahi mi gilote in Leinuai ah pai ding uh hi.

Mattiu 25:46

“Tua mite in tawntung gimna thuak dingin a paikhia ding uh hi. Miphate ahih uh leh, nuntak tawntungna ngah dingin a paikhia ding uh hi,” ci-in thu a hilh hi.

Rom 1:18

Gitlohna tawh thuman thutak a nial mite a gitlohna tungah Pasian' hehna in vantung panin hong kilang hi.

Thukhenna Hong Tung Ding

23

Sawltakte' Tangthu 17:31

“Bang hang hiam na cih uh leh. amah in a koihpa tawh leitung mite thuman tawh thukhen nading ni a gen khol zo hi. Tua pa sihna pan a hin' kik ciangin a kitel zo hi ci-in mi khempeuh a theisak zo hi,” ci-in Pawl in a gen hi.

Piter Nihna 2:9

Tua a hih ciangin Topa in Pasian a biate ze-etna sung pan gumkhia ding a hi zongin.

Johan Masa 4:17

Tua bangin eite in ki-itna tawh i dim maninah thukhen Ni ciangin lau lohna thu i ngah ding hi. Bang

hang hiam na cih uh leh, eite in amah bang in leitungah i piang hi.

Hebru 9:27

Mite in khat vei bek si-in tua nung ciangin thukhenna a thuak uh hi.

Korin Nihna 5:10

Bang hang hiam na cih uh leh, eite khempeuh in pumpi-ah i gamtatna ahoih ahoih lo bangin thukhenna ngah ciat dingin Khris' tokhom maiah i tung tek ding hi.

Rom 14:12

Tua ahih ciangin eite khempeuh in eima thu tekah Pasian' thudotna i thuak ding hi.

Rom 5:15

Ahieh hangin mawhna leh hehpihna kibang lo hi. Bang hang hiam na cih uh leh, mi khat a khialh a hih maninah, mi tampi a si uh a hih leh, Jesu Khris kici mi khat' hehpihna thupha hanga i ngah lungdamna leh Pasion' hehpihna thupha in mi tampi ading a kicing hi.

Rom 9:16

Tua bang a hih ciangin a deih mi tawh a kikum kei hi, a tai mi tawh zong a kikum kei hi, hong hehpih thei Pasion bek tawh kikum hi.

Piter Masa 5:5b

"...Pasion in a kisatheite a

kham hi; a lungniamsakte kiang-ah thupha hehpihna a pia hi."

Sawltakte in Topa Jesu' thawh-kikna thu vangliatna tawh teci a pang uh a, amaute khempeuh in thupha hehpihna tampi a ngah uh hi. —Sawltakte' Tangthu 4:33

Korin Nihna 9:15

A kigen zo lo hong hehpihna thupha hangin Pasion tungah hehpihna phatna om ta hen!

Korin Nihna 8:9

Bang hang hiam na cih uh leh, i Topa Jesu Khris in a hau napi-in zawngkhalna a thuakna tawh note in hauhna na ngah nadingun note tangdingin zawngkhalna a thuak hehpihna na thei uh hi.

Sawltakte' Tangthu 2:38

Piter in, "Na mawhnate uh kisik kik un la, na vekpi un, mawh kimaisakna dingin Jesu Khris' min tawh kibaptaiz un, Tua bang na hih uh leh, Kha Siangtho na ngah ding uh hi."

A khialhna a im mipa a dau pai lo ding a, a mawhna pulakin a kikhel mipa in hehpihna ngah ding hi.

—Paunak 28:13

Mattiu 3:2

"Tua ahih ciangin na mawhna uh kisik kik ta un," ci-in Judah gam gampa lakah a hilh hi.

Korin Nihna 7:10

Bang hang hiam na cih uh leh, Pasion' deihna tawh kituak dahna

in hong gup nading tawh kizom kisik kikna lungsim hi a, kikheel thei lo kisikna lungsim hong bawl thei hi. Leitunga dahna in sihna a piangsak thei hi.

Sawltakte' Tangthu 3:19, 20

"Tua ahih ciangin Pasion kiang pan nopna hun hong tung a, note ading hong koihsa Khris Jesu hong paisak nadingin, note mawhna a sawp siang nading na kisik un la, na lungsim uh na kikheel un."

Luka 13:3

"Ahi kei hi, kong ci hi. Note in zong na mawhna uh na kisik kik kei uh leh, tua mah bangin na kisia khin ding uh hi."

“Note in mite mawhna na maisak uh leh, vantungah a om na Pa un note mawhna uh hong maisak ding hi.” —Mattiu 6:14

“Mi gilo khat in a mawh bawlna khawlin ka thukham zui hen la, a hoih a manin gamta leh, tua mipa si lo ding hi; pel loin nungta ding hi.” —Ezekiel 18:21

En in, kei in kongkhak kiangah ding in kiu-in ka om hi. Mi khat peuh in ka aw za-in kongkhak hong hon' leh, tua mi kiangah ka tum khit ciangin amah tawh an ne khawm, tui dawn khawmin ka om ding hi. Amah in kei tawh an ne khawm tui dawn khawmin a om ding hi. —Mangmuhna 3:20

Mi gilopa ama gitlohna nusia sak un la, thuman lopa ama ngaihsutna nusia sak un; amah in a hehpih theihna ding in TOPA tung leh i Pasion tungah amah pai kik sak un, bang hang hiam cih leh a mawhna mai siangsak ding hi. —Isaiah 55:7

Sawltakte' Tangthu 5:31

Israel mi pawl kisikkikna leh mawh kimaisakna thu a piak nading tua mi in Ukpa leh Gumpa a suah na'ngin Pasion in ama ziat lamah a koih sang hi.

Jesu in amaute' upna a theih ciangin a khut-le-khe sipa kiangah, “Ka ta aw, na mawhnate kimaisak zo hi,” a ci hi. —Marka 2:5

Titu 2:11, 12

Bang hang hiam na cih leh, thupha lametna leh Pasion lian leh eite Honpa Topa Jesu Khris' vangliatna hong kilat ding eite in lamenin, Pasion thu tawh kituak lo gamtatna leh deihgawhnate.

Kolose 3:2

Leitungah a om nate, lunggulhin om kei un, atung lam nate bek lunggulhin om un.

Efesa 5:11

A gah nei lo khuamial gamtatna tawh kipawl lo tham loin, tua gamtatna a mawhna na lak un.

Isaiah 1:16

Note kisil tawm un la, a siangtho-in kibawl un; keima muhna-ah

na gamtat siatnate uh paikhia un; siatna na bawlte uh khawl un la.

Johan Masa 2:15, 16

Leitung a hi zongin, leitungah a om nate a hi zongin na it kei un. Leitung a it mi sungah Pa itna a om kei hi. Bang hang hiam na cih uh leh, leitungah a om na khempuuh a hi, pumpi deihgawhna, mittang deihgawhna, kisaktheih mawknate in Pa tawh kipawl hi lo-in, leitung bek tawh kipawl a hi uh hi.

Timoti Nihna 4:10

Bang hang hiam na cih leh, Demas in tu lai nuntakna a it maninah kei hong taisanin, Thesalonika khua-ah a pai zo hi.

“Note sungah lungtang thak leh kha thak kong guan ding a, na suang lungtang uh hong lak khia-tatsakin mihing lungtang kong guan ding hi.” —Ezekiel 36:26

Johan Masa 2:29

Amah in mi dik a hih note in na theih uh leh, dikna-ah a gamta mi khempeuh in zong ama pian'sak mi a hi uh hi cih na thei uh hi.

Tua ahih ciangin Khris sungah a om mi in mi thak a suak hi. A lui nate kikheel a, a thak a piang zo hi. —Korin Nihna 5:17

Johan Masa 5:18

Pasian' pian'sak mi khempeuh in mawhna a hih kei hi ci-in i thei hi. Pasian' pian'sak mi in ama

pumpi keem a, a gilo mi in tua mi a sukha thei kei hi.

Johan 3:3

Jesu in, “Ke'n aman takpi kong cihinah, mi khat peuhmah in khat-vei a suahkik kei leh, Pasian' Gam a mu thei kei ding hi,” a ci hi.

Note in a kisia thei khaici hang-in piang kik na hi kei uh hi; a kisia thei lo khaici a hi, kipin a om Pasian' thu hangin piang kik na hih uh ciangin unau it kheem bang hi loin, a man takpi itna dingin thuman thutak ngai-in na lungsim uh na siangthosak uh mah bangin, khat leh khat na lungsim khempeuh uh tawh nakpi-in na ki-it un. —Piter Masa 1:22, 23

Mawhna Sungah Si — Khris Sungah Thokik 29

Efesa 2:1, 2, 6

Note in ni dang lai-inah leitung thu na zui uh a, van lama vang-liatna a uk topa ahi nialna' tate tungah tu-in a bawl kha a deih bangin, na mawhnate uh, na git-lohnate un sungah si-in na om lai takun Pasion in note hong nung-tasak hi. . . Topa tawh eite hong thosak a, vantung khua tawh ki-pawl omna-ah Khris Jesu tawh hong tusak khawm hi.

Kolose 3:1

Tua ahih ciangin note in Khris tawh tho kik khawm na hih uh leh, Pasion' ziat lamah a tu Khris' omna mun, tung lamah a om nate na zong un.

Eite in mawhna lamah si i hih khit ciangin dikna lamah i nun-takna dingin, eite mawhnate a-mahmah in sing khuam tungah ama pumpi in a thuak hi. Ama li-amnate hangin damna i ngah zo hi.

—Piter Masa 2:24

Galati 5:24

Khris Jesu' mite in si-le-sa, a deihna leh lunggulhna tawh sing-lamteh tungah a khen zo uh hi.

Mawhna sung pan a eite in tua mawhna sungah bangci-in i hing lai ding hiam?. . . Tua mah bangin mawhna lam pan a si mi na hi uh a, Khris Jesu hangin Pasion lam pan mi hing na hi uh na ciamteh un.

—Rom 6:2, 11

Johan 5:24

“Ke'n aman takpi kong cihinah, keima thu za a, keimah hong sawlpa a um mi in, nuntak tawntungna ngah zo ahih ciangin, thukhen-na a thuak kei hi; sihna pan pai-khia a, nuntaknaah a tung zo hi.”

Galati 6:8

Ama pumpi ading khaici a vawh mi in ama ci-le-sa hangah muatna a at ding hi. Kha Siangtho hangah khaici a vawh mi in Kha Siangtho hangah nuntak tawntungna a at ding hi.

“Moses in gam lakah gul a khai bangin Mihing Tapa a kikhai ding hi. Bang hang hiam na cih leh, amah a um mi khempueh in nun-

tak tawntungna a ngah nading uh ahi hi.” —Johan 3:14, 15

Johan 3:36

Tapa thu a um khempuehte in nuntak tawntungna a nei hi. Ahih hangin Tapa a zui lo mi in nuntakna a ngah kei ding a; Pasion' hehna in tua pa tungah a om hi.

Rom 6:23

Bang hang hiam na cih uh leh, sihna in mawhna thaman ahi hi. Ahih hangin eite Topa Khris Jesu hanga nuntak tawntungna in man kipia lo Pasion' letsong ahi hi.

“Amaute in nang Pasion taktak khat bek leh na sawlpa Jesu Khris a theihna un nuntak tawntungna ahi hi.” —Johan 17:3

Isaiah 32:17

Tua ciangin thumanna hangin nopna om ding a, thumanna hangin daihna leh lungmuan' tawn-tungna om ding hi.

Tua bangin note in tate na suak uh ahih ciangin, "Abba, Pa," cisakin a Tapa' Kha Siangtho eite lungsim sungah sungah Pasion in hong sawl hi. —Galati 4:6

Johan Masa 3:18, 19, 24

Ka ta neute aw, eite in kampau bek tawh a hi zongin, leii bek tawh a hi zongin ki-it loin, hihna bawlina tawh a mantak ki-it ni. Tua bangin i hih leh, thuman tawh kipawlin om thei-in, eima lungsim kimawhsakna bangmah

om loin, a mai-ah lungnopna thu ingah ding hi. . . . Ama thukham a zui mi in ama sungah kipin om a, amah in zong tua mi sungah a om hi. Tua tham loin, amah in eite sungah a om thu a hong piak Kha Siangtho hangin eite in i thei hi.

Amah in ama Kha Siangtho hong pia a hih ciangin eite in ama sungah a hi zongin, amah in eite sungah a hi zongin a om thu i thei hi. —Johan Masa 4:13

Johan 14:21

"Ka thukhamna nei a, a zui mi in kei hong it hi. Kei hong it mi ka Pa in a it ding hi. Keimah in zong amah ka it ding a, ama kiangah ka kilang ding hi," a ci hi.

32 I Sunga Om Khris In Lungdamna Hong Pia

Johan 17:13

“Tu-in keimah in nangma kiangah kong pai ding hi. Keima lungdamna hih mite sungah a dim nadingin hih thute leitungah ka om lai-in ka gen hi.”

Rom 14:17

Bang hang hiam na cih uh leh, Pasion' Gam in an neekna, tui dawnna-ah a kip kei-hi. Kha siangtho hanga kingah sian'thona, kilemna leh lungdamna-ah a kip hi.

Galati 2:20

Keima pumpi a nungta lai a hi kei hi, Khris in keima sungah a nungta hi. Tu-in ka pum sungah ka nuntak nuntakna in kei hong it

a, keimah tangding ama pumpi a paai Pasion Tapa upna tawh a nungta hi.

Isaiah 12:3

Tui siangtho in a dangtakte a lungdamsak mah angin, Pasion' hotkhiatna in a mite lungdamsak ding hi.

Johan 15:11

“Note sungah ka lungdamna om a, note lungdamna a kicin' nadingin hih thute note kiangah kong gen zo hi.”

Nangmah in nuntakna lampi keimah nong lak hi; nangma omna-ah lungdamna lian om a, na tak lam ah nop tawntungate om hi.

—Late 16:11

Mi khat kiangah sila dingin note na tum uh leh, tua mi in sihna tawh kituak mawhna thu ahi zongin, dikna tawh kituak thu ngaihna ahi zongin, note to ahih thei lo na hi uh hiam? —Rom 6:16

Thesalon Nihna 1:7-10

Pasian a thei lo mite i Topa Jesu Khris' Lungdamna Thu a ngai lo mite dan a piak ciangin, note gimsak ngei mite tungah gimna a hi zongin, gimna a thuak ngei note tungah kote tawh nop-sakna a hi zongin, Pasian in a pia thukin, thuman bawlana a hi ci-in a ciamteh hi. Tua Topa in ama mi siangthote hangin minthan'na ngah nading a hi zongin, kote teci

pan'na thu note in um na hih uh ciangin a um mite khempeuh hangin nakpi-in lamdangsakna ngah nading a hi zongin, a hong pai ding Ni-ah tua mite in Topa maitang tawh a hizongin, vang-liatna tawh kipawl minthan'na tawh a hi zongin kikhenin, kisiat tawntungna a hi mauhna dantat-na a thuak ding uh hi.

Thu-hilhkikna 11:26-28a

“En un, tu ni-in na mai uh-ah thupha khat leh hamsia khat ka koih hi: tu ni-a no kong thupiak ahi TOPA na Pasian uh thupiak-nate na zuih uh leh thupha hi a, TOPA na Pasian uh thupiaknate mang loin. . .”

Filippi 2:10, 11

Bang hang hiam na cih uh leh, Vantung, leitung leinuai-a om mi khempeuh in, Jesu' min hangin khukdin'uh a, "Pa Pasion' vang-liatna kilatsak nadingin, 'Jesu Khris in Topa a hi hi,' ci-in, Leii khempeuh in a mang ding uh hi."

Mattiu 10:32, 33

"Mite maiah kei hong mang hong ngai peuhmah, vantungah ka pa maiah zong ka ngai ding hi. Mite maiah hong nial peuhmah, vantungah ka Pa maiah ke'n zong ka nial ding hi.

Rom 10:9, 10

Bang hang hiam na cih uh leh, "Jesu in Topa hi hi" ci-in na kam

in mang a, Pasion in amah sibna pan a thosak kik zo hi ci-in na lungsim sungah na up leh, gupna na ngah ding hi. Dik kisakna ngah nadingin lungsungah ki-um hi. Gupna ngah nadingin kam tawh kipulak hi.

Luka 9:26

"Keimah hang ahi zongin, ka thu hang ahi zongin a maizum peuhmah. Mihing Tapa in ama phatna, Pa phatna leh a siangtho vantungmite' phatna tawh hong pai ciangin, tua mi a maizumsak ding hi."

Johan Masa 2:23

Ta a nial mi in Pa a nei kei hi. Ta a mang mi in Pa zong a nei hi.

Piter Masa 5:8

Kipin kikeem un. Kikepna tawh na ngak un. Bang hang hiam na cih uh leh, na gal uh a hi Dawimangpa in a hawk thei humpinel kai bangun kua mi ka ne ding hiam ci-in zong kawikawi-in a om hi.

Tua ciangin dawimangpa khem na thuakna dingin Kha Siangtho in, Jesu gampa lakah a sawl hi. . . Jesu in "Satan aw, kihemkhia in. 'Na Topa Pasion na bia ding hi ama na bek na seem ding hi,' ci-in Lai Siangtho sungah kigelh hi," a ci hi. Tua khit ciangin, dawimangpa in Topa kiang pan paikhia a, vantungmite hong pai-in an a vak uh hi. —Mattiu 4:1, 10, 11

Thesalon Nihna 2:9

Tua a kiseel Gilo a hong pian'na thu in, Satan bawl na bangun zuau na tawh kipawl vangliatna, na lamdang leh dipkuathuaina apawlpawlte tawh a hi zongin.

Sawltakte' Tangthu 26:18

"Tua Gentailte in khuamial sung pan khuavak lamah galkah a, Satan' ukna pan Pasion kiangah kihei ding a, mawhna ki maisakna a ngah ding uh a, kei hong up manunah sian'thona a thuak zo mite tawh luahna a ngah khawm nadingun, amau mittang uh na hon'sak dingin, amau kiangah kong paisak ding hi," ci-in thu hong pia hi.

Tua ahih ciangin Pasion' ukna na mang un. Dawimangpa na kham un; na kham uh leh, note kiang pan a tai ding hi. Pasion kiangah nai un. Tua bang na hih uh leh, nomau kiangah a hong nai ding hi. —Jeim 4:7, 8

Hebru 2:14, 15

Tua hi a, tua naupangte in a si a sa tawh kizom uh a hih ciangin Khriis in zong sihna a thuak ciangin Dawimangpa a hi sihna a ukpa a sukgawp nading a hi zongin, sihna kihna a hih manunah a nungta lai takun a tawntungin a kikhum bangin a omte a suakta-sak dingin a hi zongin, tua naupangte bangin si-le-sa a la hi.

Rom 8:35, 37

Khriis hong itna tawh eite ete kua in hong kikhensak ding hiam? Gimna, kahna, bawlsiatna, gil-kialna, puan neih lohna, kihtakna, namsaute in Khriis hong itna tawh eite hong kikhensak thei ding hiam? . . . Khen thei lo ding hi! Ei hong itpa hangin hih nate khempuh tungah gualzo peente i hi hi.

Johan Masa 3:8

Mawhna a bawl mi in Dawimangpa tawh a kipawl hi. Bang hang hiam na cih uh leh, a cil panin Dawimangpa in mawhna a bawl zo hi. Dawimangpa' bawl nate a siasak dingin Pasion' Tapa hong kilang zo hi.

Johan Masa 4:20

Mi khat peuhmah in, "Pasian ka it hi," ci napi-in a u a nau a it kei leh, tua mi in thu zuau gen mi a hi hi. Bang hang hiam na cih uh leh, a muh theih a u a nau a it kei leh, a muh theih loh Pasian bang ci a it zo ding hiam?

Keimah in leitungmite' kam a hi zongin, vantungmite' kam a hi zongin ka gen theih hangin ki-itna ka neih kei leh, a ging thei dak, a ging thei daltuah tawh kibang ka hi ding hi. —Korin Masa 13:1

"Note khat leh khat na ki-it uh leh, mi khempuhte in note ka nungzuite na hih uh a thei ding uh hi," a ci hi. —Johan 13:35

Galati 5:22, 23a

Kha Siangtho' gah in: ki-itna, lungdamna, kilemna, lungduaina, mi hehpihna, gitna, diktatna, lungnemna, pumpi' deihna khamna te a hi uh hi.

Johan 21:16

Khatvei Jesu in Piter kiangah, "Johan' tapa Simon aw, kei hong it na hi hiam?" ci-in a dot ciangin, "Ahi hi, Topa aw, nang kong it na thei hi," a cih ciangin, "Ka tuute na cing in," a ci hi.

Eite in ute naute khat khat ki-it i hih maninah sihna panin nuntakna-ah i galkah zo hi cih i thei hi. A it lo mi in sihna sungah a om lai hi. —Johan Masa 3:14

Sawltakte' Tangthu 10:39-41

"Judah gam sung leh Jerusa-
lem khuapi sungah a bawlna
khempeuh' teci ka hi uh hi.
Amaute in amah sing khuam
tungah amah sing khuam tungah
khai-in a that uh hi. Ni thum khit
ciangin Pasion in a tho kiksak a,
mi khempeuh' mai hi lo, Pasion'
teel kholhsa a teci, a nuntak kik
zawh ciangin amah tawh an ne
khawm, kote bek mai-ah hong
kilat nadingin thu a pia hi."

Johan 20:26-28

Tua nung ni giat ni ciangin, a
nungzuite inn sungah khatvei
kikhawm kik uh a, Thomas zong a

om hi. Kongkhakte a kikhak lai
takin Jesu zong hong pai a, amau
laizangah ding a, "Nopna na ngah
ta un," a ci hi. Tua lai takin
Thomas kiangah, "Na khutmete
zan in la, ka khut en in. Na khut
zan in la, ka pang hong lawng in,
um khial kei in la, um in," a ci hi.
Thomas in, "Ka Topa leh ka
Pasion aw," a cih ciangin.

Marka 16:9

Jesu in ni sagih lakah ni kipat
ni, zingtungin a thawhkik khit
ciangin, a sung pan dawid sa-
gih a hawlkhiat Magdala khua
Mari kiangah a masa penin a
kilak hi.

Mattiu 16:21

Jesu in Jerusalem khuapi pai ding a mi upate, siampi liante leh laitheite khut tungah gimna tampi a thuak khit ciangin, thahna zong thuak ding a; ni thum khit ciangin a tho kik ding hi, ci-in tua a kipanin a nungzuite kiangah a pulak hi.

Khris Jesu sungah a kibaptaiz eite khempeuh in ama sihna sungah kibaptaizna i ngah hi ci-in thei lo na hi uh hiam? Tua ahiah ciangin sihna-ah baptaizna-in Jesu tawh i kivui khawm hi. Khris in Pa' vangliatna tawh sihna pan hong thawhkik mah bangin eite in zong hin'na thak i zuih theih na-

ding ahi hi. Bang hang hiam na cih uh leh, ama sihna lim la-in amah tawh eite pum khat sa khat i suah takpi leh, Topa thawhkikna lim zong la-in pum khat sa khat i suak hi. —Rom 6:3-5

Johan 5:28, 29

“Hih thu lamdang na sa kei un. Bang hang hiam na cih uh leh, han sungah a om khempeuhte in ama aw za uh a, a hong pusuak hun hong tung ding hi. Gamtatna pha a bawlte in nuntakna ngah dingin hong thokik ding uh a; a gilo gamtatna a bawlte in thukhenna thuak dingin hong thokik ding uh hi.”

Luka 1:74, 75

"A hong mudah khempeuhte khut sung pan ahi zongin, hong guphiat nading-in, Ama sila David' suan lakpanin, Eite ading a lian hong Gumpa a piangsak zo hi."

Korin Nihna 7:1

Tua ahih ciangin ka itte aw, tua thuciamna eite tawh kikum ahih ciangin i pumpi kihhuainate leh lungsim kihhuainate khempeuh tawh kisiangthosakin, Pasion kihta-in, a siangtho gamtatna tawh dimin om ni.

Timoti Nihna 2:21

Tua ahih ciangin tua nate tawh ama pumpi a kisiangthosak mi in

minthan'na na, siangthona na, inn neipa zat ding a kilawm na, nasepna pha pawl khempeuh ading a suak ding hi.

Piter Masa 1:1, 2

Jesu Khris' sawltak kei Piter in thungaihna leh Jesu Khris' si tawh thehna a ngah nading Kha Siangtho in a siangthosak a, Pa Pasion' theih kholh bangin a teelkhiat mite a hi, Pontas gam, Galati gam, Kappadokia gam, Asia gam, Bithunia gam mun khempeuhah kikhenthangin lal-a omte kiangah ka hong zasak hi. Thupha hehpihna leh nopna in note tengah hong khang seem-seem ta hen.

“Keimah in na mawhna na kisik kikna uh hangin tui sungah ka hong baptaiz hi. Ahih hangin ka nungah hong paipa in kei sangin a lian zaw hi. Ama khedap tawid ding nangawn ka kilawm kei hi. Amah in Kha Siangtho leh mei sungah note hong baptaiz ding hi.”
—Mattiu 3:11

Tua lai-ah lam lianpi khat om ding a, Lampi Siangtho kici ding hi; a sianglo mite in tua tung tawn ngei lo ding a, mi haite in tua lam a zui mite khialsak nawn lo ding hi.
—Isaiah 35:8

Efesa 1:3, 4

Eite in Pasion maiah ki-itna hangah siangthoin, mawhna tawh

kikhen nadingin leitung pian' ma-in eite Khris sungah hong teel bangmabin, vantung tawh kipawl omna-ah thuphate khempeuh tawh Khris hanga eite hong heh-pih i Topa Jesu Khris' Pa Pasion in thupha ngah ta hen.

Tua mah bangin Jesu in ama si tawh mite a siangthosakna dingin khuapi kongkhak pua lamah sihna a thuak hi. —Hebru 13:12

Johan Masa 1:9

I mawhnate pulakin thuum lehang, i mawhnate maisakin, i gitlohna khempeuh sawp siang nadingin amah in thuman thutak tawh a hi zongin, dikna thu tawh a hi zongin a dim hi.

Luka 11:13

“Note in mi gilo na hi napi-un na tate uh a hoih na piak uh leh, tua sangin vantungah a om na Pa un a ngen mite Kha Siangtho hong pia zaw ding hi lo ahi hiam?” ci-in a gen hi.

Sawltakte' Tangthu 1:8a

“Ahih hangin Kha Siangtho in nomau tungah hong kumsuk khit ciangin vangliatna na ngah ding uh a”

Ezekiel 36:27

“Note sungah keima kha kong guang ding a, note tungah kong piak ka thukhamte leh ka thupiakte lim takin kong zui sak ding hi.”

Rom 8:9

Pasian' Kha Siangtho in note sungah a ten' leh, note in ci leh sa sungah na om kei uh hi; Pasian' Kha Siangtho sungah na om uh hi. Bang hang hiam na cih uh leh, Khris' Kha Siangtho a nei lo mite in Khris' mi a hi kei uh hi.

Sawltakte' Tangthu 13:52

Khristiante in lungdamna leh Kha Siangtho tawh a dim uh hi.

Sawltakte' Tangthu 4:31

Tua thu a nget khit uh ciangin a kikhopna mun uh liing a, amaute khempeuh Kha Siangtho tawh dimin Pasian' thu hang takin a gen uh hi.

Piter Masa 4:12, 13

Ka itte aw, note hong ze-etna dingin na thuak uh mei bang bawlsiatna in note tungah lamdangsakhuaina a hi ci-in ngaihsun kei un, na lungmang kei un. Note in Khris' gimna zom na hih uh ciangin ama vangliatna hong kilat ciangin lungdam mahmahna tawh na nuamna dingun, tu-in zong nuam un.

Lungsim kitamzante kiangah TOPA om a, lungsim zan-gawpte hon hi.

—Late 34:18

Isaiah 66:2

“Hih nate khempeuh keima khut in a bawlsa hi a, tua ahih ciangin hih nate khempeuh kei’

aa ahi hi,” TOPA in ci hi. “Ahih hangin, kiniamkhiatin lungsim a kitamzan mipa, keima thu-ah lau-in a liing kelkelpa pen keima deih mipa ahi hi.”

Mangmuhna 21:4

“Amaute mittang uh pan khitui khempeuh a nul siang ding hi. Sihna zong a nung ciangin a om nawn kei ding hi. Tua tham loin, thuumna, kahna, natna zong a om kei ding hi. A masa nate mangthang khin zo uh hi,” ci-in nakpi-in aw tawh kiko ka za hi.

Late 37:3

TOPA muang in la gamtat hoih in; gam nuamah teng in la thumanin om in.

Ze-etna Thuakte Kianga Thuciam

Hebru 2:18

Bang hang hiam i cih leh, ze-etna amahmah in thuakin gimna a thuak thei a hih ciangin ze-etna a thuakte a huh theih nadingin a siam hi.

Late 34:19

Thuman mi' thuakna a tam hangin tuate khempeuh panin TOPA in amah hon hi.

Korin Masa 10:13

Mi in a thuak theih loh ze-etna khat beek na thuak kei uh hi. Pasion in dikna lungsim tawh ki-dim ahih ciangin na thuak zawh loh uh ze-etna hong tun' nadingin thu a pia kei ding hi. Note in na

thuak zawh ding uh ze-etna a hong tun'sak ciangin na taikhiat-na ding uh lampi hong bawlsak ding hi.

Rom 8:28

Pasion a it mite a hi uh, a geelna banga a sap mite adingin na khempeuh in a kituak a piangsak uh hi cih i thei hi.

Isaiah 43:2

Nangmah in tuite na kantan ciangin nang tawh kong om khawm ding a, gunte na kantan ciangin tui in hong tuum lo ding hi; mei kantanin na pai ciangin na kang kei ding a, a meikuangte in nang hong kangtum lo ding hi.

Mangmuhna 21:7

“A zo mi in hih nate luahin, kei in ama Pasion ka hi ding a, amah in ka ta a hi ding hi.”

Mangmuhna 2:7

“Kha Siangtho in pawlpite thu a piakna bil nei mi in ngai hen. A zo mi kei in Pasion Paradis gam sungah a om nuntakna gah a neek theihna thu ka ka pia ding hi.”

Mangmuhna 3:12

“A zo mi in ka Pasion' biakinn-pi khuampi ka suaksak ding hi. Tu nungciangin thua mun pan pua lamah cikmah hunin a paikhia nawn kei ding hi. Tua mi tungah ka Pasion' min a hi zongin, ka Pasion kiang vantung pan hong

kumsuk ding Jerusalem khua thak a hi, ka Pasion' khuapi min a hi zongin, keima min thak a hi zongin ka gelh ding hi.”

Mangmuhna 3:5

“A zo mi in tua bang puanpak a silh ding hi. Ama min zong nuntakna laibu pan ka su mang ngei kei ding hi. Ama min ka Pa mai-ah a hi zongin, ka Pa' vantungmite mai-ah a hi zongin ka gum ding hi.”

“Keimah in ka zawh khit ciang-in ka Pa tawh tokhom tungah ka tut khawm bangin, a zo mi in kei tawh ka tokhom tungah tut khawm theihna thu ka pia ding hi.”
—Mangmuhna 3:21

Korim Masa 7:10, 11

Zinei, pasalneite tungah kei thukham hi lo Pasion' thukham in, zi in a pasal ma kei hen. A mak leh, pasal dang nei loin om hen. Ahih kei leh, a pasal tawh kilemin om kik hen. Pasal in zong a zi ma kei hen.

Luka 16:18

“A zi ma-a numei dang tawh a kiteengte in numei tawh a mawh hi. Pasal tawh a kikhensa numei a teen'pihte in numei tawh a mawh hi.”

Rom 7:2, 3

Bang hang hiam na cih uh leh, pasal a nei numei in a pasal a sih

matengin thukham bangin a pasal tawh a kikhiah khawm hi. A pasal a sih leh, numei in a pasal' thukham tawh a kipelh hi. Tua ahiah ciangin a pasal a nuntak lain mi dang' zi a suah leh, numei gilo a kici ding hi. Ahiah hangin a pasal a sih leh, tua numei in thukham tawh a kipelkhia a, mi dang tawh a kiteeng zongin numei gilo a kici kei ding hi.

Mattiu 5:32

“Ke'n kong cih inah, mawhna thu khat longal thu dang hangah zi a mate a vekpi-in a zi a mawhsak hi. A maksa numei a teen'pihte a vekpi un mi' zi tawh a mawh uh hi.”

Johan 14:3

“Pai-in na om nading uh ka bawl leh, no kiangah kong paikik ding a; ka omna munah na om nadingun ka hong la ding hi.”

Mangmuhna 3:11

“A manlangin ka hong pai ding hi. Na kumpi-lukhu kuamah in a lakkhiat loh nadingin, na neihsa na a kip takin len in.”

Mattiu 24:30

“Tua lai takin van panin Mihing Tapa' lim a kilang ding hi. Leitung minam khempeuh a kap ding uh a; a vangliatna leh min than'na tawh, Mihing Tapa in meii tungah tuang a hong kumsuk na mu ding uh hi.”

Tua mah bangin note in zong thuakin ngak un. Na lungsim uh na kipsak un. Bang hang hiam na cih uh leh, Topa hong pai ding a nai zo hi. —Jeim 5:8

Mattiu 24:27

“Bang hang hiam na cih uh leh, khuaphialep in nisuahna lam pan phia a, nitumna lam dongin a tang mah bangin, Mihing Tapa hong kumna a piang ding hi.”

Mangmuhna 16:15

En in, keimah in guta hong pai bangin ka hong tung ding hi. Puan silh lo-in pai-in mi mai-ah zumna om lohna dingin ngakin, ama puante a keem mi in thupha a ngah ding hi.

Sawltakte' Tangthu 1:11

“Galile mite aw, bang hangin vantung lam ento na hi uh hiam? Note kiang pan vantungah kilato Jesu in vantungah a pai na muh uh bangin khat vei hong kumsuk kik ding hi,” a ci uh hi.

Mattiu 16:27

“Mihing Tapa in, a Pa vangliat-na in, vantung mite tawh hong pai khawm ding hi. Tua ciangin mi khempeuh a gamtatna ciat uh bangin a thuksak ding hi.”

Johan Masa 3:2

Ka itte aw, tu-in Pasian' tate i hi hi. A nungciangin bang ci mi i hi ding a kilang nai kei hi. Ahih hangin amah hong kilat ciangin

eite in amah tawh i kibang ding hi ci-in i thei hi. Bang hang hiam na cih uh leh, ama pum a om bangin amah i mu ding hi.

Marka 8:38

“Mi paktat leh gilo hih khang mite lakah, kei ahi zongin, ka thu ahi zongin a daisak peuhmah Mihing Tapa in zong a Pa minthan'na leh a siangtho vantung-mite tawh hong pai khawm uh ciangin, tua mite a daisak ding hi.”

“Note in zong kigingkhoh un. Bang hang hiam na cih uh leh, na ngaihsut loh hun lai takun, Mihing Tapa a hong pai ding hi,” a ci hi.
—Luka 12:40

Pasian' Thu

“Van leh lei a mangthang ding hi; ka thu ahih leh, a mangthang ngei kei ding hi.”

—Luka 21:33

Jesu in, “Note in Lai Siangtho ahi zongin, Pasian vangliatna ahi zongin thei lo na hih uh ciangin, na um khial uh hi.”

—Mattiu 22:29

Pasian in a kam tawh hong piak Lai Siangtho-a om khempuuh in, Pasian' mi in kicing a, a hoih na apawlpawlte a sep theih nadinga kigingkhoh mi a suah nadingin, thu hilh ding, mawhna lak ding, dikna ding thu hilh ding, leh thuman

thutak hilh dingin thupha a bawl hi. —Timoti Nihna 3:16, 17

Bang hang hiam na cih uh leh, Pasian' kamsangte' thu in mi' deih bangin hong tung ngei kei hi, Kha Siangtho hansuah ngahin mite in Pasian kiang pan a gen sawn uh hi.

—Piter Nihna 1:21

Nang tungah kong khialh lohna dingin ka lungsim sungah nangma thu ka khol hi.

—Late 119:11

Na thu in kei, lam hong lak ding meivak hi a, ka paina lampi-ah khuavak ahi hi.

—Late 119:105

Scripture text reprinted by permission of Bible Society of India.

For more information or to request a free Bible study, please write to:

WMP, India Bible Literature
67 Beracah Road
Kilpauk, Chennai 600 010